

**Imermit misissugassanik (imermit sukuluiagaannngitsumit) tiguisarnerit
misissueqqissaartarnerillu akulikissusii pilersaarutillu**

Imermit sukuluiagaannngitsumit, imermik pilersuiviit nalinginnaasut aqputigalugit imermik imerneqarsinnaasumik siaruarternirmi tunisassiornermiluunniit atugassatut kissaatigineqartumit misissugassanik tiguisarnerit misissueqqissaartarnerillu akulikinnerpaaffissaat (takukkit nassuiaat 1 aamma 2).

	Ilanngussaq 2 aamma 3 naapertorlugit kemiimut tunngatillugu misissuineq. Misissugassat amerlassusaat (takuk nassuiaat 5):	Ilanngussaq 1 aamma Ilanngussaq 8 naapertorlugit tappiorannartoqassutsumik misissuineq. Misissugassat amerlassusaat:
Imermik sukuluiagassamik isumalluutip nutaap atulernissaa sioqqullugu	Minnerpaamik sisamariarluni (takuk nassuiaat 4).	Minnerpaamik sisamariarluni (takuk nassuiaat 4).
0 – 100 m ³ (takuk nassuiaat 3)	Ukioq allortarlugu ataaseq	
100 – 1.000 m ³ (takuk nassuiaat 3)	Ukiumut ataaseq	
>1000 m ³ (takuk nassuiaat 3)	Ukiumut marluk	

- 1) Ilanngussami matumani piumasaqaatit imermut sukuluiagaannngitsumut, immameersumik imaluunniit imermit tarajornilaartumit aaneqartumut, atuutissanngillat.
- 2) Ilanngussami matumani piumasaqaatit imermut sukuluiagaannngitsumut, nakkutilliinermut oqartussaq allatut aalajangiisimanngippat, tatsip imaanit aaneqartumut, aammalu osmoseanlæg killormoortoq atorlugu suliarineqarsimasumut, atuutissanngillat.
- 3) M³-it annertussusaat allassimasut tassaapput ulloq unnuarlu erngup siammarterneqartup annertussusaa. Annertussusaa qaammatisiutit malillugit ukiumi pineqartumi ulloq unnuarlu siammarterneqartup agguaqatigiissillugu annertussusaatut naatsorsorneqassaaq.
- 4) Imermik sukuluiagaannngitsumik isumalluutit atorneqalernissaa sioqqullugu misissugassanik tiguisoqartassaaq, aammalu ilanngussaq 1-miit 3-mut tunngavissatut taaneqartut aallaavigalugit misissorneqartassallutik. Misissugassat ukiup qanoq ilinerani allanngorarnerit takussutissaqartillugit tiguneqartassapput.
- 5) Ukiut 8. – 10.-kkaarlugit imermik sukuluiagaannngitsumik kemiimut tunngatillugu misissuinerimi, ilanngussaq manna malillugu piumasarineqartumi tunngavissat Ilanngussaq 2-imi aamma 3-imi allassimasut tamarmik ilaatinneqarput.